



VENDIM

Nr.29, date 30 /08/2021

PËR

PROJEKTIN E ZBATIMIT ME OBJEKT "REHABILITIM I DIGES SE SHKALLES"

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirembajtjen e Digave dhe Dambave" si dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM), në mbledhjen e datës 30.08.2021 mori në shqyrtim Projektin e zbatimit për Rehabilitimin e Diges së Shkalles të hartuar nga firma konsulente GRAMA dhe e paraqitur nga Bashkia Durrës.

Gjatë shqyrtimit të dokumentacionit teknik të paraqitur u konstatua se:

- 1- **Raporti i përgjithshëm teknik** i projektit të zbatimit nuk plotësonte kërkesat ligjore të shprehur në VKM Nr. 147 si më poshtë:
 - a- **Mungonte verifikimi i qendrueshmerisë së diges** (kerkesa e pikes 1.1.9 nenit 9 të VKM 147). Ky verifikim i shoqëruar me llogaritjet perkatese të cilat mungojne duhet të behet për gjendjen aktuale dhe për rastin pas rehabilitimit të diges.
 - b- **Mungonin të dhënat aktuale për vëllimin e ujit në ujembledhës sipas matjeve faktike** (në këtë ujembledhës nuk është bërë asnjë matje e volumit të ujit që prej 40 vitesh) dhe **kurbat e vëllimit dhe të sipërfaqes sipas matjeve faktike ku të jenë niveli i vdekur**, niveli normal, niveli maksimal si dhe koha e zbrazjes së ujembledhësit
 - c- **Të dhëna për hartimin e planit të alarmit** (kerkesa e pikes 1.1.17 e nenit 9 të VKM Nr. 147) për perballimin e pasojave që mund të vijne si rezultat i vales që krijohet në zonën poshtë diges në rastet kur shkarkohet plotësisht, kur ka shkarkim të sforcuar dhe në rastin e prishjes së diges. Për këtë pikë, duhet të jepet edhe llogaritjet e vales vërsuese për rastet e mesipërme si dhe hartën e permbytjes.
- 2- **Studimi sizmik** mungon. Ky studim duhet të jetë pjesë e dokumentacionit teknik të projektit të zbatimit dhe të përfshijë analizën perkatese të rrezikut sizmik (sipas hartave të vlerësimit të rrezikut sizmik të miratuara nga IGJEUM dhe KKDM). Në këtë studim duhet të kryhet vlerësimi i rrezikut sizmik të zonës (i kërkuar tek pika 1.4.4 e nenit 9 të VKM Nr. 147)
- 3- **Studimi mbi instrumentat e kontrollit dhe matjeve** (e kërkuar tek pika 1.8 e nenit 9 të VKM Nr. 147) **mungon**. Projekti nuk ka parashikuar instalimin e asnjë instrumenti për sistemet e kontrollit dhe monitorimit të kërkuara nga standartet dhe VKM perkatese



4- **Projekti I zbatimit i paraqitur prane KKDM per shqyrtim eshte hartuar ne vitin 2018** gje e cila tregon se pervec te tjerave, ky project nuk ka marre ne konsiderate perkeqesimin e situates ne trupin e diges ne tre vitet e fundit.

5- Projekti I zbatimit nuk eshte I shoqeruar me ndonje raport teknik nga nje studio konsulente e licencuar sic kerkohet ne nenin 10 te VKM Nr. 147 si dhe nga Bashkia Durres si shfrytëzues i kësaj dige,

Per sa me siper, Komiteti Kombetar i Digave te Medha,

VENDOSI:

- 1- Të Mos Miratojë Projektin e Zbatimit te paraqitur nga Bashkia Durres per "Rehabilitimin e Diges se Shkalles" per arsye të mosplotësimit të kërkesave te VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Nenit 9,10 dhe 13
- 2- Ti kerkoj Bashkise Durres si shfrytëzues i digës dhe nënobjekteve të saj:
 - Plotësimin e kërkesave te mesiperme dhe Rishikimin e Projektit te zbatimit per Rehabilitimin e kesaj dige ne funksion te gjendjes aktuale te diges dhe te volumit aktual te ujit ne rezervuarin e krijuar prej saj.
 - Kryerjen e Verifikimit te qendrushmerise se diges ne gjendjen aktuale dhe pas rehabilitimit te parashikuar
 - Kryerjen e studimit sizmik dhe studimit per instrumentat e kontrollit te diges sipas legjislacionit ne fuqi dhe udhezimeve te KKDM
 - Kryerjen e matjeve te volumit aktuale te ujit ne rezervuarin e krijuar nga diga e Shkalles dhe pregatitjen e kurbave te volumit dhe te siperfaqes se ujit ne rezervuar.
 - Plotësimin e dokumentacionit teknik te projektit sipas komenteve te KKDM te dhena me me siper dhe legjislacionit ne fuqi duke perfshire studimet e mesiperme si dhe llogaritjen e vales shkaterruese te ujit si dhe hartat e permbytjeve ne rast te ndonje prishje te mundshme te diges
 - Shoqerimin e projektit te zbatimit me nje raport te hartuar dhe te firmosur nga nje studio keshillimi e licencuar me eksperience ne fushen e projektimit ose nga nje institucion shteteror i caktuar me ligj per kryerjen e ketyre raporteve
 - Marrjen e masave per nje monitorim te vazhdueshem te gjendjes dhe sigurise se diges si dhe hartimin e planit te gadishmerise ne rastet e emergjencave civile te kerkuar nga legjislacioni ne fuqi.

Ngarkohet Sekretariati Kombëtar i Digave të mëdha (SKDM) si zyrë ekzekutive e KKDM për zbatimin e këtij Vendimi në përputhje me legjislacionin në fuqi.

Ky Vendim hyn në fuqi menjëherë.

KOMITETI KOMBËTAR I DIGAVE TË MËDHA

KRYETARI

Arjan JOVANI

